



吳興趙子昂與余交十五年其五見每  
見必以詩文相振激子昂才極高氣極  
爽余跋之不能及然而未嘗不為余盡也  
最後又見于杭始大出其平生之作曰松  
雪齋詩文示者若干卷屬余評之余惟  
人之各以其材自致於世必能相及也而後  
相知必相知也而後能相為言余於子  
昂不相及而何以知何以言乎子昂曰雖

然必言之余曰必言之則就吾二人之今  
所歷者請以杭喻浙東西之山水莫美  
於杭雖兒童婦女未嘗至杭者知其美  
也使之言杭亦不敢不以為美也而不如吾  
二人之能言何者吾二人嘗身歷而知之  
而被未嘗至也他日試以其說問居杭之  
人則言之不能以一彼所取於杭者異  
也今人之於詩之於文未嘗身歷而知之

而欲言者皆是也幸嘗歷而知之而言之  
同者亦未之有也子昂未弱冠時出語已  
驚其里中儒先稍長大而四方萬里重購  
以求其文車馬所至填門傾郭得片紙隻  
字人心惬意滿而去此非可以聲色致也  
而子昂豈謂其皆知我哉故古之相知者  
必若韓孟歐梅同聲壹跡綢繆傾吐而後  
為遇而後世迺欲望此於道途解后之間則

又過矣余評子昂古賦凌歷頓迅在楚漢  
之間古詩沈涵鮑謝自餘諸作猶傲睨高  
適李翱云子昂自知之以為如何大德戊戌  
仲春既望剡源戴表元叙



松雪齋文集目錄

第一卷

賦

吳興賦

求友賦答袁養直

紈扇賦

脩竹賦

赤兔鶴賦

第二卷

古詩

古風十首

和子俊感秋五首



詠懷六首

詠逸民十一首

歲莫效劉父雜詩四首

贈道隆上人

遊南山憩山下人家

東郊

春後多陰偶成三首用渡無逸來韻

曉起川上

遊弁山

登尊經閣望郊外山水

四慕詩和錢舜舉

春思

雜詩一首

寄題右之此靜軒

廉山曉行

奉和本齋先生首夏即事

贈趙虞卿

題董元溪岸圖

贈別夾谷公二首

題舜舉小隱圖

趙村道中二首

奉訓戴帥初架閣見贈二首

桐廬道中

張詹事遂初亭

送周正平學士致仕還里

寄鮮于伯幾

送程子充運副之杭州

贈茅山梁道士

罪出

次韻齊彥學士中秋雨後翫月

秋日錦櫻為繼卿作

聽姜伯惠父彈琴壁院

題洞陽徐真人萬壑松風圖

自釋

禱雨龍洞山

送石仲璋

題樵源圖

題歸去來圖

題李伯時五馬圖

酬滕野雲

述太傅丞相伯顏公功德

送文子方調選雲南

吳真人盧溝雨別圖

高氏謹第堂

第三卷

古詩

次韻周公謹見贈

清勝池上偶成

重用韻

海定更自會稽來作詩贈之

以韻韓定更留別

巖古

正作鮮于伯幾哀詩

謝潘提舉

新秋

秋日言懷

送姚子敬教授紹興

送

慶壽僧舍即事

送李仲淵同知眉州

幽獨二首

允懷齋

送文章甫陝西都事

美人隔秋水

贈季明道尊師

雲林山中二首

題括蒼山成德隱玄洞天

題先天觀

周南翁悠然閣

夏日即事呈六兄

送謝伯英

偶記舊詩一首

游幻住菴贈月公長老

清河道中

夏至

庭前松

承貞居先生遠寄問鐘

病中春寒

松澗詩贈丁師善

興中府某氏見山樓

贈懷上人

露坐

題黃華為其父寫真

題先隲張公十詠圖

犀浦退觀

吳俊卿義塾

寄題杜尊師白雲菴瓊秀亭二首

楊墜州治水歌

題舜舉着色梨花

兵部聽事前枯柏

題西溪圖贈送鮮于伯幾

題二喬圖

題黃素黃庭後

戲題出洗馬

送孟仲則遊荆湖兼往襄漢

烈婦行



送高仁卿還湖州

贈相士

謝鮮于伯幾惠震餘琴

贈相者

漁父詞二首

送朱仲陽太平教授

題高彥敬夜山圖

贈吳真人

題也先帖木兒開府宅壁畫山水歌

孤燕曲

題商德符學士桃源春曉圖

秋夜曲二首

孔道輔擊蛇笏

李氏種德齋

贈張彥古

送田師孟知河中府

趙克敬耘蕃

燕脂駝圖歌

贈捏古伯

送高郎仲德往汝州迎母

次韻葉公右丞紀夢

揚天瑞府判平冤詩

賦張秋泉真人所藏研山

題舜舉摹伯時二馬圖

兔

贈相師王蒙泉

第四卷

律詩五言

春寒

雪後同子俊遊何山次韻四首

早春

重遊弁山二首

魚樂樓

秋夜

次韻陳無逸中秋月食風雨不見

獨夜

次韻子山登樓有感

聞角

次韻馮伯田秋興三首

本齋先生挽詩

贈權季玉兼簡李順甫

奉和帥初兄將歸見簡

送楊幼澄歸江西兼寄吳多清

送李清甫由御史出按四川

送劉伯常淮東都事

晉公子奔狄圖

題米元暉山水

送張仲實還杭州

食粥

訓衛處士見贈

送吳禮部

大司農侯公挽詩

和周景遠見寄

奉

隆福召命過德清別業

謝石林贈湖石

筇竹杖贈天聖長老

胡穆仲先生挽詩

贈永清曹顯祖縣尹

贈鄭之僑

耒鶴亭

大都遇平江龍興寺僧開上座話唐基毋潛宿

龍興寺詩因次其韻

李太白酒樓

送濯伯玉雲南省都事

題趙敬甫侍御祖德詩

獲周豐鼎

贈節軒侍御

雨

寄題陸振之與間堂

次韻觀復表兄見簡

故兩浙運使李公挽詩

送張夢符郎中還朝

送董參政赴召

投贈刑部尚書不忽木公

送夾谷公分省陝西

秋日即事

元日朝賀

奉贈平章李相公十韻

題楊司農宅劉伯熙畫山水圖

律詩七言

和姚子敬秋懷五首

聞擣衣

登飛英塔

岳鄂王墓

谿上

次韻剛父無逸遊南山作

次韻子俊

次韻本齋先生民事

次韻信仲晚興

次韻王時觀

錢唐懷古

次韻舜舉春日感興

紀舊遊

次韻章得一同原少姪遊蘭澤

見章得一詩因次其韻二首

奉和帥初雨中見贈

次韻帥初

多景樓

東陽八詠樓

金陵雨花臺遂至故人劉林亮墓

蠶眉亭

海上即事

贈周景遠田師孟

送李尤讓赴行臺治書侍御史

送劉天錫鎮守鄂州

送縵秀才教授真州

送閻子靜廉訪山西

次韻左轄相公

次韻左轄相公奉寄行臺中丞徐公

送益君渡信州提管

追挽宋漢臣副使

欽誦

世祖皇帝聖德詩

送吳師可提管汀州

李仲淵求其弟林行萬竹亭詩為賦一首

王氏節婦

和姪子敬韻

趙子敬御史志卷公堂

至尤康辰繇集賢出知濟南暫還吳興二首

初到濟南

劉端甫御史見和前詩次韻答之

次韻端甫和鮮于伯幾所寄詩

春日送廉訪監司赴都

送劉安道指揮副使還都兼寄李士安學士

釣突泉

繼鄭鵬南書懷

鷺秋

德清間居

題山堂

醉後同張副父清風樓聯句

和鄧善之九月雪

次韻子敬懷王子慶往吳中

第五卷

律詩七言

海子上即事與李千楫同賦

重用韻

次韻西雲長老贈周仲和

送杜伯玉四川行省都事

次韻李秀才見贈

人日立春

送岳德敬提舉甘肅儒學

送蕭萬戶鎮閬州

留別潘王

德昌提管雪後見過而余適往德清別墅歸來  
承惠詩走筆奉和

三日後再雪德昌復在騎見過既而海  
見贈輒亦次韻

己酉元日朝拜喜晴提管次前韻見教漫和一首

遊烏鎮次韻千瀨長老

贈張進中筆生

贈放烟火者

挽洞霄章耕隱

題溫雪峰詩蹟

次韻龐夷簡禮部

盧彥威用韻見贈亦復次韻

論書

寄題保定杜處士晚翠樓

贈張德玉

歲晚偶成

勝槩樓

次韻杜浩卿詠所藏研

送史提管廣詩五十一

贈脫帖木少松年

壽平章不韓公

鶴歸亭

挽道士危功遠

送柳湯佐懷孟松管

送吳真人謁告歸為二親八十之壽兼降香名山

老態

絕句五言

題秋山行旅圖

題高彦敬樹石圖

題萱草蛺蝶圖

題米元暉山水

黃葵詞

題孫安之松楸圖

題太白酒缸圖

題彦敬越山圖

寄題真定明遠亭

獨夜

因禪師挽詩

題李仲賓野竹圖

天冠山題詠二十八首

玄洲十詠寄張貞居

題仲賓竹

題周秀才此山堂二首

曉起聞鶯

絕句六言

黃清夫秋江釣月圖



題孤山放鶴圖

題王子慶所藏大年墨鴈

絕句七言

初至都下即事

送王月友歸杭州

清勝軒

浮玉山

鄣南山中

奉和本齋先生午日絕句二首

采桑曲

題東野平陵圖

次韻劉父即事

戲題僧維堯墨梅

題范蠡五湖杜陵浣花圖

梅花

酬羅伯壽

題蒼松疊岫圖

送王子慶沿檄浙東收郡縣圖籍

九月八日雨中悶坐和仇仁父

以畫寄高仁卿

題龔聖子山水圖

杭州雨中

題秋胡戲妻圖

題舜舉折枝花

懷德清別業

過嚴陵釣臺

部中莫歸寄周公謹

送山東廣訪照磨于思容

絕句

喜晴

簡王搏霄乞夫容杏

都南張氏園寓居

和韓君美二絕句

題所畫梅竹贈石民瞻

題所畫梅竹幽蘭水仙贈鶴皋

和景杜雪中即事

送黃景杜

偶成絕句二首奉懷宋齊丘學士田師孟省郎

東城

湖上莫歸二首

春日漫興

題朱鉉雪景

即事三絕

又

牧牛圖

題孫登長嘯圖

題山水卷

詠史

題群仙壁

宮中口號

自警

劉時濟歸來堂

宿五華山懷德清別業

留題惠山

徐敏父龍馬山仙岩聞雞鳴寄玄卿二首

題茗谿絕句

題四畫

偶得靈璧石筆格

題彥敬畫二首

偶成

即事二首

贈彭師立二首

第六卷

雜著

樂原

琴原

五柳先生傳論

夷齋說

趙郡李氏世譜

序

書古今文集注序

印史序

贈趙虞卿序

送吳幼清南還序

送凌德庸赴淮東憲幕序

第一山人文集叙

陳子振詩序

薛昂夫詩集序

左丞郝公注唐詩鼓吹序

皇朝字語觀瀾細目序

送田師益知河中府序

劉益質文集叙

南山樵吟序

古今歷代啟蒙序

清權齋內藁序

葉氏經疑序

關里譜系序

高惟正吳山紀實詩序

第七卷

記

吳興山水清遠圖記

縮軒記

默齋記

明肅樓記

完州前進士題名記

賢樂堂記

大雄寺佛閣記

瑞州路北乾明寺記

九宮山重建欽天瑞聖宮記

南涇道院記

管公樓孝思道院記

碑銘

大元勅賜故榮祿大夫中書平章政事守司徒

集賢院使領太史院事贈推忠佐理翊亮

功臣太師開府儀同三司上柱國追封趙

國公謚文定公神道碑銘

故昭文館大學士榮祿大夫平章軍國事行御

史中丞領侍儀司事贈純誠佐理功臣太

傅開府儀同三司上柱國追封魯國公謚

文貞康里公碑

程氏先塋之碑

郝氏先塋碑銘

蔚州楊氏先塋碑銘

趙君謙甫墓碣

杜氏新塋之碑

故成都路防城軍民總管李公墓志銘

故嘉議大夫燕南河北道提刑按察使姜公墓

志銘

田氏賢母之碑

先侍郎阡表

故嘉興縣主簿謝府君墓志銘

故忠翊校尉海道運糧千戶謝君墓志銘

有元故徵士王公墓志銘

任升實墓志銘

義士吳公墓銘

第九卷

碑銘

大元封贈吳興郡公趙公碑

田師益墓志銘

田師益墓志銘

故嘉議大夫浙東海右道肅政廉訪使墓志銘

故昭文館大學士資德大夫遙授中書右丞商

議通正院事領太史院事靳公墓志銘

元故將仕郎淮安路屯田打捕同提舉濮君墓

志銘

勅賜玄真妙應淵德慈濟元君之碑

隆道冲真崇正真人杜公碑

勅建大興龍寺碑銘

大元大崇國寺佛性圓明大師演公塔銘

臨濟正宗之碑

第十卷

制

資善大夫隆禧院使文著封贈三代制

曾祖父

曾祖母

祖父

祖母

父

母

章佩丞黑黑封贈三代制

曾祖父

祖父

祖母

祖母

父

母

中奉大夫殊祥院使執禮和台封贈三代制

曾祖父

曾祖母

祖父

祖母

父

母

母

光祿大夫平章政事大司徒徽政院副使領將

作院事張九思贈推誠翊亮功臣開府儀

同三司太傅上柱國魯國公謚忠獻制

故行軍千戶權順天河南等路軍民萬戶賈輔

贈金吾衛上將軍中書左丞武威郡公謚  
武毅制

故湖廣行中書省參知政事賈文倫贈榮祿大  
夫平章政事祁國公謚通敏制

開府儀同三司太師錄軍國重事遙授中書右  
丞相宣徽使知樞密院事領中正院事至

頭封淇陽王制

交趾批荅

御試策題

贊

李士弘真贊

參政郝公畫像贊

雪樓先生畫像贊

魯國文貞公康里不忽木畫像贊

長春宮孫真人真贊

申伯祥畫像贊

張宗師畫像贊

夏真人真贊

趙子敬真贊

中峰和尚真贊

銘

周待制致樂堂銘

題跋

書吳芻清送李文卿歸養序後



七觀跋

題如上人詩集

閣帖跋

洛神賦跋

樂府

浪淘沙

太常引

南鄉子

水龍吟

虞美人

江城子

蝶戀花

點絳脣

水調歌頭二

虞美人

後庭花

浣谿沙

月中仙

萬年歡二

長壽仙

太常引

人月圓


木蘭花慢二

松雪齋文集目錄終

松雪齋文集卷第一

賦

吳興賦



猗與休哉吳興之為郡也蒼峰北峙群山西迤龍騰獸舞  
雲蒸霞起造太空自古始雙谿夾流繇天日而來者三百  
里曲折委蛇演漾連漪束為碕灣匯為湖陂泓渟皎激百  
尺無泥貫乎城中縵于諸岬東注具區渺渺潏潏以天為  
隄不然誠未知所以受之觀夫山川曠發照朗日月清氣  
為鍾沖和攸集星列乎斗野勢雄乎楚越神禹之所底之  
泰伯之所奄宅自漢而下往往開國洎晉城之攬秀據實  
沿流千雉面勢作邑是故歷代慎牧必掄大才選有識前  
有王謝周虞後有何柳顏蘇風流互暎治行同符皆所以

宣上德意俾民惟娛況乎土地之所生風氣之所宜人無  
外求用之有餘其東則塗泥膏腴畝鍾之田宿麥再收杭  
稻所便玉粒長腰照管及箱轉輸旁郡常無凶年其南則  
伏虎之山金蓋之麓浮圖標其巔蘭若栖其足鼓鍾相聞  
飛甍華屋衡山絕水魯史所錄盤紆犬牙陂澤相屬蕪葭  
孤盧鴻頭荷華菱苕鳧茨雀蒲軒于四望弗極鳥可勝數  
其中則有魴鯉鱖鰕鰻頭白小鱸鯪膾餘鼃鼉龜鼈有蛟  
龍焉長魚如人歎浪生風一舉百釣漁師來同罔罟笞簪  
罩汕是工鳴榔鼓柁隱然商宮巨細不遺噲噲喁喁日亦  
無窮其西則重岡複領川原是來其北則黃龍瑤阜之洞  
玲瓏長壽之塢縣水百仞既高且阻礚礚嶮崕歲磊碨礧  
惟石萬數旅乎如林其高陵則有楊梅棗棗榲梨木瓜橘

柚夏孕枇杷冬華槐檀松柏椅桐梓漆之屬文竿綠竹篠  
蕩雜遯味登俎豆才中宮室下逮薪爨無求不得其平陸  
則有桑麻如雲郁郁紛紛嘉蔬含液不蓄長新陸伐雉兔  
水弋鳧鴈舟楫之利率十過半衣食滋殖容容衍衍既樂  
且庶匪教伊慢於是有所搢紳先生明先聖之道以道之建  
學校立庠序服逢掖戴章甫濟濟多士日躋于古迺擇元  
日用量幣尊玄酒陳簋簠選能者秉周禮替者在前獻者  
在後雍容俯仰周旋節奏成禮而退神人和右當是之時  
家有詩書之聲戶習廉恥之道辟雍取法列郡觀效誠不  
朽之盛事已或者難曰自古論著之士曷嘗不識人物紀  
風俗哉夫人才者濟時之具而風俗者為治之質也今子  
徒摭撫細碎排比貨食高談不切炫耀自飾莫大於斯二

者願乃略而弗錄雖文奪組繡聲諧金石竊為子不取也  
僕應之曰否子獨不聞夫子之言乎十室之邑必有忠信  
今年且千載地且千里人物之富胡可殫紀史冊畢書可  
無贅矣若乃風俗之隆汙在為政者之所移易又弗可得  
而定著也夫吳雖不在江左嘗被至德之風矣且吾聞之  
風行而草偃日中而表正上行下效置郵傳命辟若季子  
為守言游為令以仁義為化禮樂為政鎮以不貪之寶喻  
以不言之信即刑可使不用俗可使益盛方將還敦朴於  
上古考休祥於庶徵今美則美矣又可遂以為定乎於是  
難者唯唯逡巡而失意

求友賦答袁養直

思古人之不可見兮心鬱結而下計登高丘而遠望兮獨  
歎慨乎增戲波洋洋其汜濫兮欲濟而無航膏吾車而孤  
往兮山鬱乎其蒼蒼四顧闐其寂寥兮思蹇產而不鑠采  
眾芳以自娛兮聊假日以愉樂寧長洲之夫容兮擘大澤  
之蘭茝擷江蘼之秀穎兮結秋蘭以為佩世俗方尚同兮  
余獨異乎今之人謂蘭茝為不芳兮蠶眉枉之以善媼眾  
不可以戶說兮歷年歲而觀閱變心以從俗兮而吾又不  
忍後朝陽之鳴鳳兮企空谷之白駒何駑駘之衆多兮鷄  
雀紛其瞿瞿寧飢渴以需時兮恥屬饕餮乎腥腐古道久其  
弗繼兮吾惕焉為此懼何美人之好脩兮獨與余其同心  
懷余以厚德兮遺余以好音世固有同居而不察兮何千  
里而能同亂湘江之涵涵兮涉遠道以相從覲清揚之信  
美兮懷盛年而莫當子濯足於東海兮晞髮乎扶桑吸沆

灑以為飲兮食朝霞以為糧披列星之粲爛兮抱明月之  
夜光駕青雲而高馳兮鳴和鸞之鏘鏘擾蒼龍使挾輶兮  
服白虎以驅不祥願發軔其勿亟兮聊弭節而抑志指黃  
昏以為期兮夫孰遠而弗至亂曰庶鳴吻吻猶求友兮曾  
謂斯人不如物之知兮獨行無儔吾將與子為類兮

紈扇賦

炎暑時至陽鳥怒飛金石為流白汗沾衣候吹纖條迤爽  
南扉玉枕徒設桃笙安施旁皇躑躅不知所為於是裂輕  
紈兮似雪製圓扇兮如月光搖懷袖涼生毛髮起遐想於  
青蘋引清颺于天末蕭然襟帶淒其絺葛醒人肌骨祥歎  
如脫須臾或離中腸為熱殆造物者欲解民之愠假人力  
以為之不然豈天時之可奪也復有題詩欣賞因書奇絕

障輕塵以寄恨揚仁風而言別或畫乘鸞之女或誤成蠅  
之華白羽襜褕而自愧蒲葵比方而知劣及乎商氣應厥  
民夷玉露降兮百草金風生兮桂枝羅衣重拂秋蘭復菲  
孤螢冷照寒螢暗啼棄捐篋笥綢繆網絲班姬形中道之  
怨江淹賦零落之詩嗟夫用舍有時出處有宜惟人亦尔  
於物奚疑彼孤貉之御冬豈當暑而亦悲苟行藏之任道  
願矣時乎安之伊聖賢其不可見兮之二人又何知

脩竹賦

猗猗脩竹不卉不蔓非草非木操挺特以高世姿蕭洒以  
拔俗葉深翠羽榦森碧玉孤生太山之阿千畝渭川之曲  
來清飈於遠岑娛佳人於空谷觀夫臨曲檻俯清流色侵  
雲漢影動連漪蒼雲夏集綠霧朝霏蕭蕭雨沐裊裊風披

露鶴長歎秋蟬獨嘶金石間作笙竽誰吹若乃良夜明月  
窮冬積雪掃石上之陰聽林間之折意參太古聲沈寥沈  
耳目為之開滌神情以之怡悅蓋其婉秀碧梧託友青松  
蒲柳慚弱桃李羞容歌籊籊於衛女詠淇奧於國風故子  
猷吟嘯於其下仲宣息宴乎其中七賢同調六逸齊蹤良  
有以也又况鳴懈谷之鳳化葛陂之龍者哉至於虛其心  
實其節貫四時而不改柯易葉則吾以是觀君子之德

赤兔鷓賦

皇慶元年

上賜大都留守臣伯帖木兒白兔鷓一翎翻皓潔白雪同  
皎至迺祐元年凡三籠而毛羽變赤光采艷奕異於  
尋常搏擊勇鷲加於疇昔雖老於五坊者亦不知其

所以然豈若君子進於德以潤身者耶公既寫其形  
質集賢侍讀學士臣趙孟頫為之賦其詞曰

猗鷲禽兮出

金門賜貴臣兮示殊恩色霜雪兮耀前軒解條鏡兮縱平  
原狐兔駭兮不及奔歷年歲兮毳如璫粲晨霞兮炫朝暉  
剖氣勝兮肆飛騫德愈進兮義愈敷炯雙眸兮睨乾坤

松雪齋文集卷第二

古詩

古風十首

詩亡春秋作仲尼蓋苦心空言恐難託指事著以深大義  
炳如日萬古仰照臨鳳鳥久不至楚狂乃知音愁來不得  
語起坐彈鳴琴

周衰有戰國紛紛極荆秦黃金聘辯士駟馬迎從人朝為  
刻骨讐莫作軟血親終然智力屈奉身俱入秦

相如賦大人出語頗奇恠飄然凌雲意過耳誠一快諍言  
入無際自覺塵俗隘安知翻成勸何用名為戒

自有天地來蓬萊幾清淺人生空曩首舉世誰得見瑤臺  
在何許渺渺烟波遠方舟不可渡使我空展轉

絕代有佳人，被服綺與紈。鬢眉秀聯娟，吐詞馥若蘭。清歌  
感皓齒，瑤琴發哀彈。一彈再三歎，聽者涕汎瀾。借問誰家  
子，為言本邯鄲。

秋風吹庭樹，故葉紛以隊。明月耿夜長，草虫促經緯。四序  
苦不淹，少壯何足貴。展轉渡展轉，寤辟不能寐。昔為閨中  
秀，今作市門鄙。豈無膏與沐，甘心得憔悴。

山深多悲風，日暮愁我心。玄雲降寒雨，松柏自哀吟。人生  
百年後，奄然閔重陰。念此每不樂，天路何由尋。仙人偓佺  
輩，消搖在青岑。奈何不尔思，委命重黃金。

海山有奇樹，粲粲珊瑚枝。由來植物性，無脛可推移。如何  
石氏子，樹之白玉墀。洛陽經幾戰，金谷久荒夷。空令千載  
下，聞者為傷悲。

烈風號枯條，落葉滿周道。原野何蕭索，川流亦浩浩。離居  
日以遠，懷思令人老。功名會有時，生世苦不早。願瞻靡所  
騁，憂心怒如擣。

浮雲何方來，不知竟安之。飄飄隨風去，汗漫以為期。自昔  
功名士，往往事驅馳。白駒空谷中，誰能加繫維。皎皎難見  
容，翻受世妍媸。虛名誠無益，不見斗與箕。

有所思

思與君別來，幾見芙蓉盈。二隔秋水若在天，一涯欲涉  
不得去。茫茫足烟霧，汀洲多芳草。何心采蘼杜，青鳥翔雲  
間。錦書何時還，君心雖匪石，祇恐凋朱顏。朱顏不可伏，那  
能不惆悵。何如雙翡翠，飛去蘭苔上。

和子俊感秋五首



秋至倏廿日天宇豁然清涼颺旦夕至林木發商聲良辰  
不我與慨然心自驚古人久已逝念之動中情苦心嬰世  
患只博身後名今我將無同庶渡得此生

明月照北林翩翩棲鳥翻虛室當靜夜幸絕人事喧念子  
已獨寐無人相與言吾生性坦率與世無競奔空懷丘壑  
志耿耿固長存何由持此意往與嚴鄭論

披衣步中庭仰視河漢白寓形天地內聊渡度朝夕仲尼  
諒非愚皇皇不暖席履運有異同喟然慨今昔丘園豈云  
遠終當期屏迹日月馳騫去鳥影飛過隙歸休盍不早胡  
為受形役

晴雲暖高宇輕飈弄微涼天氣政尔佳撫已徒自傷今日  
非昨日荏苒嘆流光幾見春鳥鳴已渡啼寒螿一時良亦

短萬世則為長

白露泫然隊草木日以凋閒居無塵雜日薄風翛翛登高  
寫我心葵扇欲罷搖感時俯逝水回睇仰層霄松喬在何  
許高蹈不可招願言從之遊懷古一何遙

詠懷六首

皇天分四序寒暑互推移如何當秋夕愴况令心悲寒蟬  
寂無聲翔鷹紛南飛西風一披拂草木失華滋不惜鷦鷯  
鳴但傷衆芳萎徘徊白露下鬱抑誰能知

羨人涉江來遺我雲和琴朱絲絙玉軫古意一何深長歌  
和清彈三歎有遺音逸響隨風發高高不可尋奈何俚俗  
耳抑揚悅哀淫此道棄捐久沈吟獨傷心

明明秋夜月流光照羅帷隱憂從中來起視夜何其草虫

催杼軸扎扎鳴聲悲良人遠行役萬里歸無期子髮已曲  
局膏沐久不施迴身入閨房愁思常告誰獨有中宵夢遙  
遙為君馳

蒼天高無極大川廣且深下有沉潜魚上有冥飛禽先民  
莫不逸我獨懷苦心抒情作好歌歌竟意難任

陵若何青青上蒙松與柏一時良亦好歲晚竟誰得人無  
金石壽生年不盈百何為慕榮祿抱此長戚戚

苒粟在中原夫人能采之無為思百憂歡樂當及時今日  
忽已過來日非所知有酒且復飲既醉歌令儀

詠逸民十一首

自古逸民多矣意之所至率然成詠聊與同好時而  
歌之耳

鳳凰覽德輝奮翅翔千仞矯矯孤竹子求仁斯得仁於心  
有不厭視世等埃塵俯仰志不屈又不辱其身聖言一以  
宣萬古無緇磷誰言首陽山卓與嵩華隣采三山中薇媿  
爾肉食人

勞生本非情祿仕吾不苟古來畎畝間亦有沮溺叟依依  
偶耕心千載思尚友中道世所難狂狷誠足取如何絕代  
下相知不忠厚仲尼不復作斯懷向誰道

駢車秣駑馬吾將適齊國聞有魯連子侏儻好奇畫一談  
秦師走再說聊城拔功成不受賞高舉振六翮布衣終其  
身豈復為世役茫茫千載遠安往訪遺跡躊躇東海上向

風長太息

四時相代謝榮耀何足恃瓜田引新蔓不見樵與本知士

解其會遇坎當復心邵生故秦吏乃亦睹茲理賢哉感我  
懷三歎不能已

子真初亦仕歲晚乃逃之區區南昌尉上疏忘其卑忠言  
不見用耿耿當告誰飄然棄妻子終身與世辭抱關甘貧  
賤所貴莫我知至今九江墳清風激群黎神仙信茫昧此  
士獨不疑孤雲無定在逝水何時歸遐思一矯首悵望無  
由期

悠悠空山雲泱泱長江流廊廟意不屑山澤聊淹留故人  
在天位高步追巢由豈曰子無衣辛苦被羊裘東京多節  
義之子乃其尤窮居雖獨善輔世豈不優

汪汪千頃陂不為人濁清道周言行表蕩然無得名誰言  
牛醫兒乃是人中英雄當時無間言後世流德聲思之不可

見使我鄙吝萌淳風久已漓此意豈復存時無君子者雖  
賢寧見稱

南州有高士食力事耕稼優游聊卒歲不矯亦不隘大木  
行欲顛紉纒豈是賴何為諸老翁棲棲不遑舍斯言非無  
見明哲自高邁誰能懸一榻待子來稅駕

庶門何亭亭下有辟世賢鳳鷄隱中林卧龍蟠其淵一朝  
起高翔斯人獨深潛功名不可為我志久已安一聞耆舊  
傳使我心悠然

黃鵠羽翼長一舉思千里勿安本中原乘桴走東海舉世  
方尚同遠引存吾志流風漸異俗敦禮化鄰鄙子魚平生  
友胡乃不相委

塵事非所便田園久見招歸來三逕中蔚長蓬蒿雖有

荷鉏倦濁酒且自陶茫茫大化中委運將焉逃唐虞去已  
遠由來非一朝粲粲霜中菊采采忘其勞

歲莫和剛父雜詩四首

窮陰結嚴寒玄景閱微陽蘭蕭同憔悴隱惻我中腸美人  
彈玉琴繼之歌清商絃急聲未已知子意獨長陽春時未  
至此曲徒悲傷

夷王處荆山林木生光輝采之獻凡目棄置亦其宜如何  
和氏子涕泣有餘悲古來賢達人不為毀譽移被褐懷至  
寶寧懼不我知待賈未能信韞藏誠可師

驚飈吹白日流光忽蹉跎登山采衆芳荆秦一何多迷途  
幸未遠迴車且委蛇黃鵠志四海雀鷄將如何

肥馬黃金鞍輕裘華且鮮鳩來從橫馳意氣何翩翩朝為  
人所慕夕已為世憐此道固應爾福福非虛言生當稱善  
人死當謚為賢勿羨李毗子狂馳終百年

贈道隆上人

辟俗無所之步尋招提遊類垣蔽蓬艾破屋壞不脩老僧  
俗念淨靜坐百不憂浮雲有逸態止水無急流乃知我輩  
人苦受世累囚竭來得此地稍覺心休休窓前幾蕞菊青  
蕊亦已稠愛之不忍采留作山房秋何當移白松伴汝成  
清幽南岡與北領路近頗易求他年風雨夜來聽龍吟愁

遊南山憩山下人家和人韻

驅馬南山陽下馬望絕巘解衣坐盤桓言就蓬廬偃非無  
攀接力興盡自應返天高暄風息木落歲華晚勢阻乏遐  
觀趣得心自遠不有君子詞何用抒繾綣

東郊

晨興理孤榜薄言東郊遊清風吹我衣入袂寒颼幽花  
媚時節弱蔣依寒流山開碧雲歛日出白烟收曠望得所  
懷欣然消我憂中流望城郭葱葱佳氣稠人生亦已鯨惠  
養要須周約身不願餘尚恐之所求且當置勿念乘化終  
歸休

春後多陰偶成三首用復無逸來貺

日出晨景澹散髮步中庭仰見濯濯柳春風暢人情茲晨  
豈不佳誰能定陰晴人生亦良脆疲勞竟何營萬事可撥  
遣舍道焉求成

卧起向北窓一室可棲遲取詩三百篇一一絃歌之古道  
豈為遠先師不吾欺嘉我有良朋所志共在茲適意聊娛  
樂過此非所知

仲春忽已過四序隨流波水深不可厲苦雨一何多田園  
頗在念春事今如何沉憂亦無益言笑復言歌

曉起川上贈友

明發不能寐獨步柳陰中秋色方浩蕩晨光乍曛隴爍  
川上日蕭蕭樹間風葛巾吹欲墮纖絳已無功感彼歲月  
駸悟此人世空悠竟何補山林情所鍾終期抗高志駕  
言從赤松

遊弁山

我欲到斯境歲月良已深今晨為茲遊疇我夙昔心悠  
岡坂長慘風雲陰微雨迫短日飄然灑衣襟婁欲還吾  
駕去意復難任逍遙得所止林竹自蕭森素琴不須彈山

水有清音邈在樊籠外塵想何由侵況懷真絕理去此將  
焉尋他山豈不好聊尔非所歛

二月二日尊經閣望郊外山水二首

朝登西北樓遊景舒我懷喜微晨光動窈窕春增華草木  
罕悴色山川一何佳悠然斜川意千載與我諧及茲春服  
成言詠樂無涯此理將不泯棄之良可嗟

日出群動作雞犬亦復喧渺孤舟發 棲鳥遷先師

有明訓政在善利間結髮事詩書於今益可憐况茲去古  
遠淳風未易還吾行亦聊尔一覽見可忘言

次韻舜舉四慕詩

子哲有高志悠然舞雩春接輿諒非狂行歌歸隱淪周也  
實曠士天地視一身去之千載下淵明亦其人歸來北窓

裏勢屈道自伸仕止固有時四子乃不泯九原如可作執  
鞭良所欣

春思

春柳黃如鷺春風揚綠波羨人在何許忽若阻山阿攀條  
弄白日常愁歲蹉跎懷思鬱不舒佳期將奈何良辰難驟  
得臨風空浩歌

雜詩

四時更代謝物化常隨之春華曾幾何歲月忽如茲嚴風  
動高林百草具已萎人生况有侵憂患乃其宜棄捐勿復  
念出入由化機安得松喬術邈與世相違

寄題石之此靜軒

卜居無喧寂尚論心所宗山林苟不靜亦與朝市同聞君

南窓下寄傲樂無窮曲肱有餘趣戰勝紛華中好風從何  
來吹子庭前松清琴時一彈濁酒尊不空頗恨道里賒不  
得往相從人事矧好乖我心何時降

### 廡山曉行

曳杖行墟曲蒼茫曉色分凝霜被原隰萑屨非昔聞新松  
夾道周宿草冒高墳日月迭而逝死生安足云輕舟泐寒  
流悵望廡山雲世固不可辟斯人本同群緬焉心如結詠  
言著斯文

### 奉和本齋先生首夏即事

天道雖不言坐覺四時行藹二庭前陰燁二枝上榮間居  
有真趣曲肱寄餘情仰視浮雲翔俯聆時鳥鳴道勝心自  
怡松喬可齊齡惜哉無酒為公稱兕觥

### 贈趙虞卿

客從北方来逍遥江湖間顧影空自愛不見欣戚顏奕秋  
去已遠神觀一朝還惜無雙白壁尉子行路難翩二雲中  
鶴孤高亦難攀長懷紫霞客引袂入名山

### 題董允溪岸圖

石林何蒼二油雲出其下山高蔽白日陰晦復多雨窈窕  
溪谷中遭回入洲渚冥二援枕居漠二鳧鴈聚幽居彼誰  
子孰與玩芳草因之一長謠商聲振林莽

### 贈別夾谷公

驅馬原隰間經時不遑休昔來日在斗今去麦已秋王事  
有埤益宴安非所求翩翩晨風翼一舉逝莫留誰令匏瓜  
繫自懷離別憂

青二蕙蘭花含英在中林春風不披拂胡能見幽心相去  
千里餘會合大江南北席談自古知我一何深此別雖非  
遠懷思渺難任公其愛體素尚無金玉音

題舜舉小隱圖

有水清且泚泗沃亂石間樂哉三子者在澗歌考槃流波  
牽弱縷輕颺動文竿信無吞舟魚我志匪魴鰈勿言隱尚  
小神情有餘閑高士不可見古風何時還

趙村道中

朝出南郭門遙指西山陰馬蹄與石闌宛轉愁我心溪谷  
莽回互寒風振穹林黃葉洒我衣岩泉之哀音淒淒霜露  
降窮思浩難任人生亦何為百年成古今華堂昔燕處零  
落歸丘岑況復不得保悲來淚沾襟

昔年干戈動兵塵暗三吳長江已無險智勇亦難圖築壘  
依平山謀國一何愚楨榦群林空遺北莽丘墟至今蓬蒿  
下猶有白骨枯天陰萬鬼哭慘慘荒山隅興亡自有數不  
敢問何如獨憐野菊花立馬為躊躇

奉訓戴帥初架閣見贈

仙人海上來遺我珊瑚鉤晶光奪凡目奇采耀九州自吾  
得此寶晝玩夜不休生世勿恨晚及與斯人儔惜哉無瓊  
玖可以結綢繆世德日下衰古風向誰求螿眉亦何有空  
受衆女仇適俗固所願違己良足憂感子贈言意再拜涕  
泗流安得騎騏驎從子以遠遊

吾愛戴安道隱居絕埃塵彈琴聊自娛書畫又絕倫豈無  
名我者已矣非所欣昔我道剡中山川自清新是時夜雪



霽懷哉見其人常欲以暇日慷慨為寫真之子有祖風千里響然臻我從蘇李後敢言筆墨神坐之盤石上俗物不得親微君動高興此意當誰陳

桐廬道中

慙慙山水郡行行襟袍清兩崖束滄江扁舟此宵征卧聞灘聲壯起見渚烟橫西風林木淨落日沙水明高旻衆星出東嶺素月生舟子棹歌數含詞感人情人情苦不遠東山有遺聲豈不懷燕居簡書趣期程優游恐不免驅馳竟何成我生悠悠者何日遂歸耕

張詹事遂初亭

青山繚神京佳氣溢芳甸林亭去天咫萬狀爭自獻年多嘉木合春晚餘花殿雕闌留戲蝶藻井語嬌燕退食鳴玉珂友于此終宴鐘鼓樂清時衣冠集群彥朝市塵得侵圖書味方遠紛華雖在眼道勝安用戰初心良已遂雅志由此見何事江海人山林未如願

送周正平學士致仕還里

關吏晨啓門僕夫戒首途祖道京城南喜色動闔閭仕宦非徒榮出處貴合義公今雖未老進退有餘地高蹈激流俗清風聳朝廷增秩仍繼祿聖明優老成道遙桑梓間年高德弥邵紅顏醉春酒白髮照晴昊兩疏真勇決四皓甘隱淪漢史不專美古今凡幾人青牛當南游紫氣已先路我欲強著書懷哉未能去

寄鮮于伯幾

廊廟不乏才江湖多隱淪之子稱吏隱才高非衆鄰脫身

軒冕場築屋西湖濱開軒弄玉琴臨池書練裙雷文察周  
鼎廉鳴娛嘉賓圖書左右列花竹自清新賦詩凌鮑謝往  
往絕埃塵我生少寡諧一見夙昔親誤落塵岡中四度京  
華春澤雉歎玄纁白鷗誰能馴內綱同

送程子充運副之杭州

益為生民食日用猶水火雖非飢所急一日無不可但令  
商賈便那復愁國課數年人壞法貪欲肆偏頗利多歸私  
室民始受益禍爾來又計口強致及包裹推酤窮滴漣征  
商劇遮邏東南民力竭此事非細瑣

朝家更政化選擇堪負荷君為尚書郎精白色瑳瑳明當  
戒行李往理吳越施祝君無別語編戶要安安湖山多勝  
處亦可供宴坐談笑尊俎間佳聲滿江左

贈茅山梁道士

名山標勾曲秀領蔚層雲層雲散浩彩中有三茅君度世  
三千秋流芳浩無垠丹光耀朱陽琴心傳玉文司命播萬  
物教蒙道人羣學道得曠士采真遺塵氛贈我書一編清  
謠吐奇芬筆耕亦已勤寸田要鋤耘靈臺聳絳闕黃雲覆  
氤氳內觀神自照衆言一何紛平生山林意獨往乃所欣  
攀接桂樹枝采擷芝蘭薰靜與木石居遊則侶麋麋松柏  
無冬夏烟霞自夕昕軒冕或桎梏綺語徒羶葷大道返尔  
朴至哉吾師云冥冥紫霞想湛言久不聞聆我歌洞章判  
然仙凡分

罪出

在山為遠志出山為小草古語已云然見事苦不早平生

獨往願丘壑寄懷抱圖書時自娛野性期自保誰令墮塵  
岡宛轉受纏繞昔為水上鷗今如籠中鳥哀鳴誰復顧毛  
羽日摧槁向非親友贈蔬食常不飽病妻抱弱子遠去萬  
里道骨肉生別離丘壑缺拜掃愁深無一語目斷南雲杳  
慟哭悲風來如何訴穹昊

次韻齊彥學士中秋雨後翫月

卧病媿微官俯仰百憂集安知中秋至但見明月出蕭  
雨新已涼氣澄靈夕青旻羅疎星燦若珠與璧小虫鳴草  
根萬物皆自適而我獨何為矯首望南北愁來無端倪撥  
去終不釋人生莫不樂杯酒會鄰戚高歌雜清唱起舞憂  
鳴瑟閉戶且復眠空尊何由酌

秋日錦櫻為繼卿作

灼灼庭下花霜餘發春妍衆卉方具腴穠芳獨嫣然主人  
遠方來一咲清尊前植物豈無情有開容必先造化寓深  
意嘉與後人傳

聽姜伯惠父彈琴摩阮

姜子早聞道澹然遺世榮藝花有生意焚香無俗情時抱  
琴與阮彈作松風聲疇昔江湖間久已知千名安知十年  
後一咲成合弁是邦山水秀照人肌骨清願子石泉上為  
鼓一再行因之洗我耳遂欲濯塵纓

題洞陽徐真人萬壑松風圖

謾謾松下風悠悠塵外心以我清淨耳聽此太古音逍遙  
萬物表不受世故侵何年從此老辟穀隱雲林

自釋

君子重道義小人貴功名天爵亢自尊世紛何足榮乘除  
有至理比重彼自輕青松與蔓草物情當細評勿為蔓草  
蕃願作青松貞

禱雨龍洞山

蒼山如犬牙細路入深谷絕壁千餘仞上有凌雲木陰崖  
不受日洞穴自成屋蕭森人跡少蒼蔚獸攸伏雲林互隱  
映澗道相迴復翔禽薄穹霄鳴鳥響岩曲臨橋濯清颺汲  
井漱寒玉神物此淵潛愆陽有祈祝風濤慙善教吏懦恥  
厚祿暫懷塵外想獨往疑有桔過幽難久居濟勝之高躅  
策馬尋故蹊歸樵相追逐

送石仲璋

霜風何凄厲蕭蕭同枯萎念此鼻為酸惻愴中心悲由來  
無醜好衆女嫉蛾眉數畧困巨魚鹽車厄天騏況渡值怨  
仇貝錦成禍機俯首無所訴泣醢聽所為向非知己者雖  
死誰明之君子有行後後會在何時欲別不敢往瞻望涕  
漣而援筆撫我心為公吐此詞

題桃源圖

戰國方忿爭嬴秦渡狂怒充我魚肉民死者不知數斯人  
逃空谷是殆天所恕山深無來運林密絕歸路艱難苟生  
活種蒔偶成趣西鄰與東舍雞犬自來去熙熙一如上古無  
渡當世慮安知捕魚郎延緣至其處遙々千載後緬想增  
慨慕即今生齒餘險絕悉開露山中無木客川上靡漁父  
雖懷隱者心桃源在何許況茲太平世堯舜方在御干戈  
久已戢老幼樂含哺田疇畢耕耨努力勤執樹毋為問迷

津窮探事高舉

題歸去來圖

生世各有時出處非偶然淵明賦歸來佳處未易言後人多慕之效顰惑豈妍終然不能去俛仰塵埃間斯人真有道名與日月懸青松卓然採黃華霜中鮮弃官亦易耳忍窮此窓眠撫卷三歎世久無此賢

題李伯時尤祐內廐五馬圖黃太史書其齒毛

五馬何翩<sub>二</sub>蕭洒秋風前君王不好武藹粟飽豐年朝入閭闔門莫秣十二閑雄姿耀朝日滅沒走飛烟願時增意氣群龍戲芝田駿骨不得朽託茲書畫傳詩於昭陵石歲久當頽然

酬滕野雲

滕君本臞儒肝鬲是清氣賦詩多秀句往往含古意大誇江山美一洗塵土翳平生有詩癖得句時自憇尔未荒蕪甚枯澁常內媿錦綉忽墮前令我喜不寐功名亦何有富貴安足計唯有百年後文字可傳世雪谿春水生歸忘行可遂間吟淵明詩靜學右軍字但恐君未聞書成無由寄

述太傅丞相伯顏功德

輿廢本天運輔成見人庸輿地久以裂車書會當同先帝昔在御如日行虛空六合仰照耀一方顧顛蒙授鉞得人傑止戈代天工鉄馬浮度江坐收破竹功草木紛震動山川變鴻濛地利不渡險金城何足攻市靡易肆憂兵無血刃紅孰張年歲間伐國究始終老稚感再生遺黎忘困窮歸來一不取匹馬走北風九域自此一益見

聖世崇大哉

先帝仁允矣

丞相忠嗟我始弱寇弗獲拜此公作頌歌尤勲因之寫吾衷

送文子方調選雲南

我友文子方其人義如玉高談動鄉相惠利厚風俗文章多古意清切綠水曲紛々鳥鷺群見此摩霄鵠今當使西南萬里道邛蜀銓衡非細事賢俊要甄錄遠人待子來飢者望蘇粟賢勞亦常事但恐期程促馬嘶晨當行草長春正綠執手臨路歧使我空躑躅

吳真人盧溝雨別圖

驅馬上河梁執手遠別離遠別數千里臨分各相思山川

一何悠去二勿復遲高堂有雙親黃髮映厖眉還家拜堂

下置酒作兒嬉却歸見

天子忠孝兩無虧人生如公少致身貴及時此行將未已親壽當期頤

高氏謹節堂

先聖有明訓見諸庶人章少小誦習之白首不敢忘高子躬孝弟養親在高堂蕭公三大字岌々端且莊對之銘座右凜然肅冠裳謹身用始節二用乃無荒斯言非虛語自遠味自長守此期勿失善積有餘慶

題耕織圖二十四首奉

懿旨撰

耕正月

田家重元日置酒會鄰里小大易新衣相戒未明起老翁  
年已邁含笑弄孫子老嫗惠且慈白髮被兩耳杯拌且羅  
列飲食致甘旨相呼團藥坐聊慰衰莫齒田饒藉人力冀  
壤要鋤理新歲不敢閑農事自茲始

二月

東風吹原野地凍亦已銷早覺農事動荷鋤過相招遲  
朝日上炊烟出林梢土膏脉既起良耜利若刀高位徧翻  
墾宿草不待燒幼婦頗能家井曰常自揉散灰緣舊俗門  
運環周遭所冀歲有成殷勤在今朝

三月

良農知土性肥瘠有同時至萬物生芽葉由地中素未  
向畎畝忽徧西與東舉家往于田勞瘁在尔農春雨及時  
降被野何濛濛乘茲各布種庶望西成功培根利秋實仰  
天望年豐但使陰陽和自然倉廩充

四月

孟夏土加潤苗生無近遠湯冒淺陂荒被長阪嘉穀  
雖已值惡草亦滋蔓君子與小人並處必為患朝荷鋤  
往耨耨忘疲倦且隨鳥雀起歸與牛羊晚有婦念將飢過  
午可無飯一飽不易得念此獨長歎

五月

仲夏苦雨乾二麥先後熟南風吹隴畝惠氣散清泚是為  
農夫慶所望實其腹沽酒醉比鄰語咲聲滿屋紛然收穫  
嚴高廩起相屬有周成王業后稷播百穀皇天貽耒耜長  
世自茲卜願言仍歲稔四海盡蒙福

六月

當晝耘水田農夫亦良苦赤日背欲裂白汗灑如雨匍匐  
行水中泥淖及腰簪新苗抽利劍割膚何痛楚夫耘婦當  
饁奔走及亭午無時暫休息不得避炎暑誰憐萬民食粒  
粒非易取顧陳知稼穡無逸傳自古

七月

大火既西流涼風日淒厲古人重稼穡力田在匪懈郊行  
省農事禾黍何旆、碾以他山石玉粒使人愛大祀須粢  
盛一一稽古制是為五穀長異彼稊與稗炊之香且美可  
用享上帝豈惟足食人一飽有所待

八月

白露下百草莖葉日紛委是時禾黍登充積徧都鄙在郊  
既千庾入邑復萬軌人言田家樂此樂誰可比租賦以輸  
官所餘足儲峙不然風雪至凍餒及妻子優游茅簷下庶  
可以卒歲太平尤有象治世乃如此

九月

大家饒米麵何啻百室盈縱復人力多春磨常不停激水  
轉大輪噫碾亦易成古人有機智用之可厚生朝出連百  
車莫入還滿庭勾稽數多少必假布筭精小人好爭利晝  
夜心營、君子貴知足是知足萬慮輕

十月

孟冬農事畢穀粟既已藏弥望四野空藁秸亦在塲  
朝廷政方理庶事和陰陽所以頰歲登不憂旱與蝗置酒  
燕鄉里尊老列上行肴羞不厭多魚羔復烹羊縱飲窮日



夕為樂殊未與禱天祝  
聖人萬年長壽昌

十一月

農家值歲年樂事日熙、黑黍可釀酒在宰羊豕肥東隣  
有一女而隣有一兒兒年十五六女大亦可笄財禮不求  
備多少取隨宜冬前與冬後昏嫁利此時但願子孫多門  
戶可扶持女當力蚕桑男當力耘耔

十二月

一日不力作一日食不足慘淡歲云莫風雪入破屋老農  
氣力衰偃倭腰背曲索綯民事急晝夜互相續飯牛飲牛  
肥菱蒙亦預蓄寒驢雖劣弱挽車致百斛農家極勞苦歲  
豈恒稔熟能知稼穡艱天下自蒙福

織正月

正月新獻歲宜先理農器女工並時興蚕室臨期治初陽  
力未勝早春尚寒氣窓戶當與密勿使風雨至田疇耕耨  
動敢不脩耒耜經冬牛力弱相戒勤飯飼萬事非預備倉  
卒恐不易田家亦良苦捨此復何計

二月

仲春凍初解陽氣方滿盈旭日照原野萬物皆欣榮是時  
可種桑插地易抽萌列樹徧阡陌東西各縱橫豈惟籬落  
間採葉憚遠行大哉

皇元化四海無交兵種桑日已廣弥望綠雲平匪惟錄綺  
謀粒以厚民生

三月

三月蚕始生纖細如牛毛婉戀閨中女素手握金刀切葉  
以飼之擁紙散周遭庭樹鳴黃鳥葦聲和且嬌蚕飢當採  
乘何暇事遊遨田時人力少丈夫方種苗相將挽長條盈  
筐不終朝數口望無寒敢辭終歲勞

四月

四月夏氣清蚕大已屬眠高首何昂、蛾眉復娟娟不憂  
桑葉少徧野如綠烟相呼携筐去迢遞立遠阡梯空伐條  
枝葉上露未乾蚕飢當早歸秉心靜以專飭躬脩婦事儷  
勉當盛年救忙多女伴笑語方喧然

五月

五月夏以半谷鶯先弄晨老蠶成雪繭吐絲亂紛紜伐葉  
作薄曲束縛齊榛、黃者黃如金白者白如銀爛然滿筐

宮愛此顏色欣欣舉家喜稍慰經時勤有客過相問笑  
聲聞四隣論功何所歸再拜謝蚕神

六月

釜下燒桑柴取繭投釜中纖、女兒手抽絲疾如風田家  
五六月綠樹陰相蒙但聞縲車響遠接村西東旬日可經  
絹弗憂杼軸空婦人脹蠶桑家道當不窮更望時雨足二  
麥亦稍豐沽酒及時飲醉倒媪與翁

七月

七月暑尚熾長日弄機杼頭蓬不暇梳揮手汗如雨嬰、  
時鳥鳴灼灼紅榴吐何心娛耳目往來忘僂僂織為機中  
素老劣要紉補青燈照夜梭蟋蟀窓外語辛勤亦何有身  
體衣幾縷嫁為田家婦終歲服勞苦

八月

池水何洋洋、漚麻水中與數日、麻可取引過兩手長織絹  
麻幾時織布已復忙、依、小兒女歲晚歎無裳、布襦不掩  
胫、念之熱中腸、朝緝滿一籃、莫緝滿一筐、行看機中布計  
日漸可量我衣、苟已成不憂天早霜

九月

季秋霜露降凜、寒氣生是月、當授衣、有布織未成、天寒  
催刀尺機杼可無營、教女學紡、纒舉足疾且輕、舍南與舍  
北、嘒、聞車聲通都富、豪家華屋貯娉婷、被服雜羅綺、五  
色相間明、聽說貧家女、惻然當動情

十月

豐年禾黍登、農心稍逸樂、小兒漸長大、終歲荷鋤耰、目不  
識一字、每念心作惡、東鄰方迎師、收拾令入學、後月日南  
至、相賀因舊俗、為女裁新衣、脩短巧量度、龜手事塞向、庶  
禦北風虐、人生真可歎、至老長力作

十一月

冬至陽來復、草木潛滋萌、君子重其然、吾道自此亨、父母  
坐堂上、子孫列前榮、再拜稱上壽、所願百福并、人生屬  
明時、四海方太平、民無札瘥者、厚澤敷群情、衣食苟給足  
禮義自此生、願言興學校、庶幾教化成

十二月

忽忽歲將盡、人事可稍休、寒風吹來林、日夕聲颼颼、墻南  
地不凍、墾掘為坑溝、斫柴埋其中、明年芽早抽、是月浴蚕  
種自古相傳流、蚕出易脫殼、絲纒亦倍收、及時不努力、知

有來歲否手凍不足惜莫免踰寒憂

松雪齋文集卷第二

松雪齋文集卷第三

古詩

次韻周公謹見贈

池魚思故淵檻獸念舊藪官曹困窘求外入常盡酉簡書  
齊期會何用傳不朽十年從世故塵土滿衣袖歸來忽相  
見忘此離別久緬懷德翁隱坐羨沮溺偶新詩使我和贖  
里忘已醜平生知我者頗亦侶公否山林期晚歲雞黍共  
尊酒却笑桓公言淒然漢南柳

清勝池上偶成

竹色雨餘碧蟬聲風際清方池含綠水中有纖鱗行浮沉  
各異態亦是悅吾情欣賞方自茲庶復得此生

重用韻

孤花色更媚密竹氣自清懷彼橋中樂偶茲池上行榮華  
或傷性賞靜可怡情坐久不成起待得月華生

贈韓定叟

蕭<sub>二</sub>晚雨細淅淅幽叢響爐溫動餘馥研潤生新賞方欣  
情話款漫此立園想即事可忘憂胡寧困塵鞅

次韻韓定叟留別

季冬寒氣結晨興慄嚴霜越江不可涉欲涉恨無梁飄  
客衣薄烈烈北風涼會少別何多令人心靡忘相去數百  
里東西渺相望豈無琴與書撫心獨彷徨鬢毛各已蒼目  
視亦茫茫中年別親友作惡固其常安得傳羽翼與子俱  
飛翔

擬古

長夜何漫漫寒雞胡不鳴我行在中野霜露上沾纓虎豹  
夾路啼熊羆復縱橫我前鬼長嘯我後啼鼯鼯四顧寂無  
人北斗高且明天道誠幽遠吾心空屏營

哀鮮于伯幾

生別有再逢死別終古隔君死已五年追痛猶一日我生  
大江南君長淮水北憶昨聞令名官舍始相識我方二十  
餘君髮黑如漆契合無間言一見同宿昔春遊每擊舟夜  
坐常促席氣豪聲若鍾意憤辭屢戰談諧雜叫嘯議論造  
精覈魏煌商鼎制駟駿漢馬式奇文既同賞疑義或共析  
錦囊裝玉軸妙絕晉唐跡粲然極炫曜觀者咸辟易非君  
有精鑒疇能萃奇物最後得玉鈞瑠琢螭盤屈握手傳玩  
餘歡喜見顏色刻意學古書池水欲盡黑書記往來間彼

此各有得我時學鍾法寫君先墓石江南君所樂地氣苦  
下濕安知從事衫竟卒奉常職至今屏障間不忍覩遺墨  
淒涼方井路松竹陰真宅乾坤清氣少人物世罕覲緋袍  
儼畫像對之淚沾臆宇宙一何悠悲酸豈終極

酬潘提舉

卧病六十日憤憤無一欣時取古書讀那復能知新客從  
遼東來一見意自親高談極虛無微言合道真遠宦萬里  
外飄然絕埃塵歸來如老鶴笑視世間人胡為肯顧我扁  
舟雲溪濱白髮我已老青雲子當伸京師人物園子往無  
遠巡而我慵慳久棲澤甘隱淪

新秋

夜久不能寐坐來秋意濃露涼催蟋蟀月白澹芙蓉漸覺

練衣薄欲將紈扇慵

秋日言懷

暑退草木蘇綠陰秋更繁玄蟬寂無聲蒼蠶已浚宣四序  
有代謝人事何足言塵冠久不彈散髮坐前軒俛仰歲去  
莫遲此負朝暄

送姚子敬教授紹興

我女子姚子風流如晉人白眼視四海清言無一塵結交  
三十年每見意自新皎皎白駒瘦華髮無緇磷此行度浙  
水言采會稽芹會稽山水勝王謝雅所欣亦有支許儔迭  
迓為主賓子往訪遺跡羣舡鏡湖濱狂客雖已去高情自  
清真以子絕代才數賢可比倫登山渡臨水嘯歌且怡神  
持時書寄我用慰情相親

述懷

我性真且率不知恒怒嗔俯仰欲從俗夏畦同苦辛以此  
甘棄置築屋龜溪濱西與長松交東將脩竹隣桃李粗羅  
列梅柳亦清新漸與市朝遠頗覺漁樵親自謂獨往意白  
首無緇磷安知承嘉惠再踏京華塵京華人所慕宜富不  
宜貧嚴鄭不可作茲懷向誰陳

慶壽僧舍即事

白雨暎青松蕭颯洒朱閣稍覺暑氣銷微涼度踈箔客居  
秋寺古心跡俱寂寞夕蟲鳴階砌孤螢炯叢薄展轉懷故  
鄉時聞風鳴鐸

送李仲淵同知眉州

西風吹客衣秋日明遠樹蕭蕭二班馬鳴念子明當去人生

貴適意要津何必據佐州亦不惡足展經濟且峨眉山川  
秀文俗盛如故喜子過我樂增我羈旅慮匆匆萬里別益  
歎相見暮此心如天河隨子西南注

幽獨二首

閑居無與娛幽獨欣有得松翁善嘯歌花女美顏色人生  
亦何為耳目皆幻適我今未半百鬢髮早已白牙齒復動  
搖行當為去客且盡須臾歡忘言坐苔石

獨坐不自聊披草尋微徑夕陽在高林籬落有餘暎依依  
增遠想應二生晚聽涼蟬軋鳴筆法蟲擊清磬大小皆有  
從雄雌各相應沉吟復躊躇忽覺西山暝

允懷齋與西皇甫先輩

小齋深且明中有萬卷書兼何中古君子寸田自耘鋤人生

萬善具政當復其初操存貴勿忘道積乃有餘時漫南窓  
下靜看雲卷舒

送文章甫陝西都事

籍甚潞公孫去為西省客矯矯國士風婉婉幕中畫涇渭  
寒有聲終華秋更碧聊因佐理餘題詩寄來驛

美人隔秋水

美人隔秋水只尺若千里可望不可言相思何時已庭樹  
多落葉日夕秋風起我今年已衰素髮擁兩耳回思少年  
時容顏若桃李美人何當來一咲懷抱洗未見令我思既  
見胡不喜

贈李明道尊師

我遊皆意行仙館欣有遇麻衣皓如雪蓬鬢蠟以素懸知  
有道者一見乃如故行當還山中清飈送雲馭蒼松無凡  
聲石局有生路風雷坐可致龍虎儼訶護空令塵中人矯  
首企烟霧

雲林山中

松風太古聲欲寫不可狀仰觀空翠滴俯聽潮音壯豈惟  
塵慮滌亦覺神情王平生獨往意老矣天所放翳<sub>二</sub>林竹  
間山鳥時一唱俗氛雖云遠勿起清淨障

九日當採菊登高古相傳我今值佳節燕坐雲林顛亦有  
岩間花青蕊露華鮮采<sub>二</sub>服九英飲水可長年況茲霜稻  
熟刈我山下田一飽無復事了我粥飯禪

題括蒼山成德隱玄洞天

洞天在何許乃近在人間神仙亦人耳仙成厭塵寰冥<sub>二</sub>



隱玄洞栽栽括蒼山卿雲時翁勃赤烏昔飛翻緬懷葛玄  
翁一往不復還食霞弄明月解纓濯潺湲青芝伺時生綠  
蘿共誰攀服食去道遠孤坐亦非丹清歌極幼眇朱書勒  
孱顏千年有白鶴飛來啓玄關

題先天觀

對此山水詠使人塵慮銷况茲構真館燕坐遠煩囂青林  
蔭戶牖素雲冠山栝松風和澗泉雜佩響瓊瑤焚香玉女  
降長齋百靈朝仙道本不遠清都亦非遙自嗟衰莫年頗  
費後鶴招安得生羽翰從子以消搖

周南翁悠然閣

青山與高人一見如有約悠然相莫逆無語心自樂凌虛  
步丹梯攬秀有高閣應同九皋鶴翱翔在寥廓

夏日即事呈六兄

下簾却畏日開軒納清風雖無政事關亦見好惡公此心  
如白壁聊與世容容有兄遠方來一咲杯酒同我雖不解  
飲預恐尊中空呼兒更往沽勿使歡意窮

送謝伯琰太史院都事

纂二棗實繁三嘒二蟬聲稠炎暑尚尔熾西風猶未秋憐子  
觸熱行不憚道里脩棧閣天下險錦城西南陬過家因上  
冢

聖恩賫林丘鞍馬雖驅馳於義不可留子村瑚璉器用世  
美且周明時方任賢驛程難久遊去去早言還庶解離別  
憂

偶記舊詩一首在德清別業時作

春情浩無端野興欣有曠山光艷桃李澗影寫松竹古來  
岩穴士白駒在空谷幽鳥何處來啼破林烟綠

遊幻住菴

雨後溪水溢黃流行地中輕舟何迅邁  
泂波兼順風碧蘆  
榦始長柔桑葉已空瞬息抵山曲窈窕微逕通青林夾道  
周流泉響幽蕪多慚衆衲子前路相迎逢禪居新結構斧  
斤未輟工雙閣出塵囂六窓自玲瓏久矣廡城市飄如晚  
樊籠妙香清鼻觀新鷲鷲耳聾汲水挿山花開牖納松風  
經聲出廊廡寂然聞鼓鍾蔬食欣一飽亦與膏粱同緬懷  
老尊宿燕坐毗盧峰塵緣苦未斷無由往相從一宿返歸  
棹迴望但青葱

清河道中

揚舲清河流開蓬素秋曉爛斑  
桂花委蛇順流漾天清  
去鷹高野濶行人小故園歸有期客愁淨如掃

夏至

夏至午之半一陰已復生  
堅冰亦馴至顧豈一朝成  
萬物方茂悅安知有彫零  
君子感其微慟笑幾失聲

庭前松

手種庭前松于今二十年清風時過之我琴不須絃高標  
傲歲晚秀色凝空烟有懷貞白君世豈知其玄

七月六日承貞居先生遠寄周鍾銑問有文象鳧  
之形則考工記所謂鳧氏為鍾者也擊之與夷則  
合而是日又適立秋古物之來豈偶然哉輒成小  
詩拜賦之辱

故人賞我趣遺我鳧氏鍾制與周禮合試叩聲春容是日  
新秋節夷則還為宮懸之西楯下浮磬儼在東金石互相  
應間以絲與桐八音雖未備古樂將無同鼎尊鐸解白羅  
列見古風揖讓於其間令我懷周公作詩報嘉貺庶以開  
群靜

間居

荒庭蕪弗治翳草與筠池魚出娛客林鳥來依人間居  
意自足何者為戚欣況於黃卷間時與聖賢親

病中春寒

仲春尚寒氣林花無艷滋芳裘擁衰疾風雨何淒其始雷  
發東隅靈牖陽光披微風草際動落英池面移幽禽變面  
吭遊魚揚細鬣我病自此愈泛舟溪水湄小輿指南蓋短

節問東甌機心不復有高蹈農與義

松澗詩贈丁師善

青松上參天下有幽澗泉高人居其間萬慮不至前讀書  
得妙趣視世等浮烟胡為舍此去杖策走日邊要當陳忠  
益民瘼會有痊却歸弄泉石靜聽松風眠

興中府某氏見山樓

東北有高樓迤迤數十尺朝霞映窓牖浮雲來几席莽蒼  
一望間翠嶽千峰碧青山何處無所見多迫近偉哉醫無  
閭周禮載簡冊我雖身未到心想已可索但惜道里賒處  
地遠且僻嘉彼樓居子不受世故侵愛山如愛客相對樂  
晨夕應笑平地人塵埃坐充斥

贈恢上人

晨坐古松下有僧來叩扉松花落金粉細細點春衣折松  
當塵尾相對澹忘機湯休不可作政索解人稀

露坐

露坐夜將半澹然無所為草根蟲鳴歇松梢螢度遲城市  
多塵雜令人心不怡茲丘亦可老已與白雲期

題黃華為其父寫真

僊人紫霞衣獨坐古松間玉色映流水不動如丘山平生  
黃華老得意每相關九原如可作與君相對閑

題先賢張公十詠圖張先子野之父

吳興蕭洒郡自古富人物溪山映亭榭尊俎照華髮當時  
盍簪地藜莢久蕪沒空餘詩語工不共芳草歇撫卷想勝  
風冠佩其敢忽先民不可見惆悵至明發

犀浦遐觀詩

男子四方志蜀都天下奇李侯并門豪杖節鎮坤維愛此  
雪山雄卜宅犀浦湄錦城既云樂焉用還家為遺像開生  
面清風凜英姿應同武侯廟人懷千古思

吳俊卿義塾

禮義生富是為富或不仁誰能如吳君捐已以惠人開塾  
延師儒聚書教比鄰豈徒名譽美要使風俗淳人物方渺  
然作養當及辰文章雖致身經術乃新民宣公相業著輔  
子理學醇二賢鄉先正千載德不泯吳君真盛舉勉共繼  
前塵何當嚴春服後子語水濱

寄題杜尊師白雲菴瓊秀亭

白雲從何來乃在計籌山山中古仙伯翱翔白雲間城市

多囂塵山林幽且閑結屋松竹裏開窓泉石邊清齋誦道  
德焚香降神仙俯仰皆自得洗心游泰玄稅駕徃從之規  
買山下田藝藥掃白髮栽桃映紅顏庶幾林下意期了區  
中緣丹成後師去笑拍拱崖肩

瓊山發天秀珠泉表地靈系萸吐丹葩喬林標絳英酌醴  
吸沖和汲澗漱甘清石門開洞府木龍走岩窟清飈一時  
至四座浮幽馨閩風何必遠世塵空自冥從遊當有期淹  
留誰無成左手擷紫芝右手采黃菁振衣陟崇岡遐觀散  
神情長嘯烟霧裏滿空鷲鶴聲

揚堅州治水歌

秋水至兮大河溢金隄決兮流漂疾田疇泊兮為民憂魚  
鱉肆兮地上游誰能治水兮微揚侯具畚鍤兮萬人聚勢  
悍急兮不可以禦問河伯兮何所怒歲不登兮民且窶侯  
精誠兮感神明赤蛇蜿蜒兮昭厥靈奠桂酒兮薦芳馨神  
收歆兮隄防成水復故道兮民載寧  
天子聖兮地道平萬歲千秋兮揚頌聲

題錢舜舉着色梨花

東風吹日花冥冥  
絲枝疊雪凌風塵素羅衣裳照青春眼  
中若有梨園人攀條弄芳畏日夕只今紙上空顏色顏色  
好愁轉多與君沽酒花前歌

繁錄同

兵部聽事前枯柏

庭前枯柏生意盡枝葉乾焦根本病黃風白日吹沙塵鼓  
動哀音亂人聽嗟我亦有歲寒姿受命於地獨也正雨露  
雖濡心自苦鳳鳥不來誰與盛豈無松檟在山阿只有蓬

萬没人脛我生魂之梁棟才浪逐時賢縲從政清晨騎馬  
到官舍長日苦飢食還併簿書幸簡不得休坐對枯槎引  
孤興人生何為貴適意樹木託根彷彿失性幾時歸去卧雲  
林萬壑松風韻笙磬

題西谿圖贈鮮于伯幾

山林忽然在我眼攬袂欲遊嗟已遠長松謾謾含蒼煙平  
川茫茫際曾巘大梁繁華天下稀走馬闌雜夜忘歸君獨  
胡為甘寂寞坐對山水娛清暉而谿先生竒崛士正可着  
之岩石裏數間茅屋破不脩中有神光發竒字綠巖齊葉  
白苾生送君江南空渡情相思萬里不可見時對此圖雙  
眼明

題二喬圖

長江東來水滔滔誰謂江廣不容刀中有喬家女兒淚何  
意師昏隨二豪龍虎方爭欲相啗鸞鳥鍛翮將安逃不見  
當時老諸葛獨聘醜婦何其高

題黃素黃庭後此書飄二有德氣意其為揚許舊  
跡蓋人間至寶伯幾所藏也

琴心玉文洞玄玄金鈕朱錦乃汝傳子能得之可長年黃  
素纈古栗字貌字與兒且墜橫理如髮約兩邊從有赤道如朱絃文石  
其間走玄娥飛雲卷舒相終始大道甚夷非力使無為自  
然有至理誰能精專換骨髓掃除俗塵不瑕穢目中有神  
乃識真白玉為軼裝車輪裏以天上翠織成仙人樓居儼  
長生鸞鶴翔舞援猱輕子能寶之慎勿驚宮室之中夜自  
明上清真人揚與許焚香清齋接神女手作此書留下土

千年流傳子為主東方蒼龍右白虎庶不子求貪不與

戲題出洗馬

却古卷 齧却愛駕誰能御驚寒紛紛何足顧青絲絡首錦障泥鞭  
箠空勞怨長路明窓戲寫乘黃姿洗刷歸來氣如怒不須  
對此苦歎嗟男兒自昔多徒步

迎音捧西之駕之馬類御古馬有逸氣不循軌轍也覆也  
漢王褒傳駕黃龍至康注良馬低頭不至却故曰齧却

送孟仲則遊荆湖兼往襄漢

行路方難子何往瀟湘洞庭天一方長江風來浪如雪荆  
門木落天兩霜千金養容不復見萬里訪舊庸何傷子才  
有用未得試牛刀愛惜歲鋒鋌似聞遠遊未渠央更欲攬  
轡趨襄陽昔年戰鬪且休息白骨已瘞愁雲黃伏龍鳳雛  
在何處鹿門山色還蒼蒼登高吊古一長嘯萬事慘淡悲  
中腸人生聚散安可常為君起舞君舉觴明朝帆影拂浮

玉寄言客居思故鄉

烈婦行

至元七年冬邠州軍士劉平之戍棗陽與其妻胡俱道  
宿車下平為虎所得胡起追及之殺虎脫其夫吾聞之  
中原賢士大夫如此乃為感激慷慨作烈婦行以歌之  
客車何焯焯夫挽婦為推問君將安去言往棗陽戍官事  
有程宿車下夜半可憐逢猛虎夫命懸虎口婦怒髮指天  
十步之內血相濺夫難再得虎可前寧與夫死毋與虎生  
呼兒取刃力與爭虎死夫活心始平男兒節義有如許萬  
歲千秋可以事明主馮婦亦莊安足數嗚呼猛虎逢尚可  
寧成寧成奈何汝

送高仁卿還湖州

昔年東吳望幽燕長路北走如登天投來官府竟何補還  
望故鄉心惘然江南冬暖花亂發朔方苦寒氣又偏木皮  
三寸冰六尺面頰欲裂凍折弦盧溝強弩射不過騎馬徑  
度不用舡官遊遠客非所習狐貉不具綿袍穿京師宜富  
不宜薄青衫駿馬爭騰蹇南隣吹笙默梁肉北里鼓瑟羅  
姝妍淒涼朝士有何意瘦童羸騎雞鳴前太倉粟陳未易  
糴中都俸薄難裹纏爾來方士頗向用讀書不若燒丹鉛  
故人聞之應見笑如此不歸殊可憐長林豐草我所愛羈  
勒未脫無由緣高侯遠來肯顧我寒若抱被來同眠青燈  
耿耿照土屋白酒薄無葷糲破愁為咲出軟語寄書妻  
孥無一錢江湖浩渺足春水鳧鴈滅沒橫秋烟何當乞身  
歸故里圖書堆裏消殘年

贈相士

我昔放浪江湖間舉頭開眼看青山安知世故不相舍坐  
受塵土凋朱顏鬚須已黃行且白亦知人生不滿百功名  
富貴非我事但願有酒呼好客錢唐江邊逢少年兩眼善  
相口談天封侯食肉骨法異慎勿置我諸公前江南春暖  
水生烟何日投閑茗水邊買經相牛亦不惡還與老農治  
廢田

謝鮮于伯幾惠震餘琴云是許旌陽手植桐所斲  
仙人已歸白雲中空餘手植青枝桐根柯盤鬱如蛟龍一  
朝辟厯驅雷公烈火半熟隨狂風箕子之裔多髯翁才氣  
邁俗驚愚蒙抱持來歸尋國工斲為二琴含商宮我來自  
址欣相逢持一贈我為我容自吾得此不敢寐終夜起坐



彈孤鴻下絃清冷上黃鍾轉絃更張涕滿胸黃虞已遠將  
無同恨君不識牙與鍾恨我不識瞽與矇周南大雅當誰  
從

贈相者

吾聞伯樂善相馬一顧千金長高價何人憊儻買權竒滿  
眼駑駘居櫪下張君年少目有神走半江湖多閱人我生  
瘦悞乏駿骨浪許騰驤防失真連朝春雨今始晴花枝照  
眼生春情樓前山色橫翠靄湖上柳黃飛亂鶯便須沽酒  
與君飲醉倒花前且高枕懶泛唐舉問流年欲向德翁謀  
小隱

漁父詞二首仲姬題去人生貴極是王侯浮利浮

名不自由爭得似一扁舟弄月吟風歸去休

渺渺烟波一葉舟西風木落五湖秋盟鷗鷺傲王侯管甚  
鱸魚不上釣  
儂住東吳震澤州烟波日日釣魚舟山似翠酒如油醉眼  
看山百自由

送朱仲陽太平教授

列仙之儒山澤懼手中黃紙新除書教官雖冷實清選當  
塗山川如畫圖我生無能百不如盍不送君賦歸與請君  
為我酌太白矯首南望心煩紆

題李公略所藏高彥敬夜山圖

高侯胸中有秋月能照山川盡豪髮戲拈小筆寫微茫只  
尺分明見吳越樓中羨久列仙懼愛之自言天下無西窓  
暗雨政愁絕燈前還展夜山圖

贈吳真人 父封饒國公母饒國夫人

上清真入天上来雲收霧斂天門閉手持函書歸故里瓊  
瑤玉佩相足陪堂上老僊千歲壽喜兒歸來酌春酒  
帝命達尔于上公老仙拜前兒拜後古來子貴父母榮今  
見恩榮萃一門紫衣玉帶照華髮金冠瑤簡明朝暎人間  
五福誰能備歲晚寒香滿天地真人妙行我所知曾是  
玉皇香案吏

題也先帖木兒開府宅壁畫山水歌

大山岑崱摩青天小山平遠通雲烟商侯胸中有丘壑信  
手落筆分清妍閨風玄圃元不遠粲爛金碧流潺湲參差  
澗谷樓觀起縈紆石路朱橋連松風颼颼響虛閣棋聲剥  
啄來群仙漁歌樵唱渺何許綸巾羽扇清溪邊高情自有  
泉石趣涼意不受塵埃纏世間書畫亦豈少誰能真賞如  
公賢華堂風日不到處絕勝綉幙空高懸舉觴酌酒為公  
壽眼明對此三千年

孤燕曲

燕燕復燕燕孤飛不忍見故雄已作長別離孀雌守節令  
人羨昔日雙、拂烟草十年獨宿梁間添歎息人間貞婦  
少人獨何心不如鳥

題商德符學士桃源春曉

宿雲初散青山濕落紅繽紛溪水急桃花源裏得春多洞  
口春烟搖綠蘿綠蘿搖烟掛絕壁飛流淙下三千尺瑶草  
離離滿澗阿長松落落凌空碧雞鳴犬吠自成村居人至  
老不相識瀛洲僊客知僊路點染丹青寄輕素何處有山

如此圖移家欲向山中住

秋夜曲

雨聲滴夜清漏長朱簾金幙浮新涼閨中美人動裁剪故  
羅衣袂生秋香東隣剥棗西隣獲旅館無人念飄泊餘不  
涼盡涵清輝夫容塵埃怨不歸牆根草綠陰蛾飛  
蒲萄架空墮殿玉遙夜露寒生體粟暗蛩棲草鳴不平無  
絲經緯空勞促夢魂苦短道苦長萬山深處非吾鄉玉虫  
搖缸螢入屋去鴈來魚應可卜醒眼熒、愁萬斛

孔道輔擊蛇笏

以笏擊蛇有孔公義與段公擊賊同事之鉅細雖有異正  
氣憤激生于中偉哉孔公聖人裔豈聽妖邪亂民志即今  
槐木一尺強氣象凜、含風霜子孫守之慎寶箴絕勝象

牙堆滿林

李氏種德齋詩

一年之計種穀十年之計種木百年種德知何事插架鱗  
鱗書滿屋世人責報嗟何速我自無心徵後福日中為市  
百貫開競逐錐刀飛赴燭鬻書之利雖云薄要令舉世沾  
膏馥為賢為智皆由此耕也未必祿干祿他年種德看成  
功遠在子孫應可卜

贈張彥古

秋雨新已風日清忽聞剥啄敲門聲出逢麻衣老僊伯身  
長七尺雙瞳明平生學道幾半世一見灑、心為傾大道  
無為返尔朴自然有路通長生我今素髮颯以白宦途久  
矣思歸耕吳興山水况清絕白雲滿領堪怡情老僊何當

後我去小築茅屋依崢嶸還丹已就蓬島近咲指塵海尋  
方平

送田師益知河中府

漢二千石入為相邑令或入為三公  
聖朝用人亦復尔予以此賀田河中田侯年少與予友今  
三十年俱白首離觴未盡去馬鳴愁向風前折楊柳

趙克敬耘菴

趙子居室名耘庵不以雨暘為旱潦寸田尺宅勤自治稂  
莠芟夷嘉穀好平生萬事無助長歲晚所收皆至寶我託  
官聯幾一載懷抱於人每傾倒交情雅有古淡風此意難  
為輕薄道况我同姓古所敦百世可知宜細攷三十年來  
如一夢白髮相看今盡老我方告歸理墓田莫恠賦詩殊

草

燕脂駮圖歌

騏驎腰裏世常有伯樂不生淹棧豆歛見此圖神自王權  
奇磊落龍為友隅目晶熒生紫光錦毛錯落蒙清霜蹄  
蹙踏寒玉響霧鬣振動秋風涼朝浴扶桑騰浩蕩莫秣崑  
崙超象罔雄姿佶隘六合小盛氣欲蕭浮雲上嗅塵一歎  
驚肉飛奮迅不受人間鞿豈惟萬馬羞欲死且與八駿爭  
先馳只今相者多舉肥歎息此圖誰復知君不見王慶冲  
半生隱德真成癡

贈捏古伯

有僧有僧住江心以色殺人凶且淫貪官若吏私其金滅  
跡鉅海無由尋安知冤魂痛不釋群然踣訴衆所覲盡誅

凶儔寃始白誰其白之捏古伯

送高郎仲德往汝州迎母

高郎八歲失其母每一言之淚如雨忽然有信自北來知  
道慈親在臨汝艱難一別四十年驚喜共聲渾欲舞水行  
有舟陸有車襟被即行身欲羽遙想團樂再拜時膝下抱  
持喧笑語人生天地誰無母此別真如隔今古烏知孝感  
動神明萬里言歸復相聚吳興山水清且遠指日安輿還  
樂土我當理舟楫迎汝買紅纏酒封肥犴斑衣喜色映庭  
萱白髮從教老農圃

次韻葉公右丞紀夢

倦遊客子何時去屢欲言歸天未許故鄉樂事時上心破  
浪長魚日登俎一蓑一笠得自由其水其丘猶可數前年

有詔舉逸民一旦馳驛登天府豈知佐理自有才勉強盡  
瘁終無補青春憔悴過花鳥白日勾稽困文簿栖栖顏汗  
逐英俊往往笑談來訕侮倦僕思歸語見侵瘦馬長飢骨  
相拄天生我公出瑞世輔相明時期復古好將圖畫上凌  
烟未遂衣冠掛神武髭須半白稱貂蟬步履漸輕宜印組  
道長自覺小人消亂沮政須君子怒得閑有兆天與祥吉  
夢初回月當戶因公此意乞歸田不辭歌詩為公舞

楊天瑞府判平寃詩

至元年間歲辛卯建寧提管有馬謀間因盜起建陽縣欲  
引鎮軍肆誅屠聞民張氏有女子小名月娘美且姝思得  
此女恣淫泆乃誣張氏與賊俱月娘逃匿不可得旁及隣  
女遭姦汙既得月娘欲滅口父母親戚皆囚俘一家九人

一時斃痛入骨髓天難呼其餘五人亦瀕死身被榜掠無完膚人家不幸產充物破家滅族真無辜楊侯天瑞為府判深疑此事皆虛誕奮髯仗義以死爭力謂馬謀當併按月娘得脫為良人待盡殘囚出獄狂沉冤極枉一旦伸臺省交章同論薦

音岸夫所字故謂獄為狂

聖神天子甚明察詔下天門發英斷馬謀竟以罪伏誅行路聞之亦咨歎邑人為侯生立祠牲酒續紛勤薦裸楊侯平反世希有宜有陞遷示旌勸政事固因才德義歲月難將資品筭即今已過二十年那拋朱紱換青衫泉變在位方進賢請為誦我平冤篇

此詩一段奇聞

賦張秋泉真人所藏研山

泰山亦一拳石多勢雄齊魯青魏哉此石都是小岱岳峰

巖無數生陂陀千岩萬壑來几上中有絕澗橫天河粵送混沌元氣判自然凝結非鏤磨人間奇物不易得一見大叫爭摩挲米公平生好奇者大書深刻無差訛傍有小研天所造仰愛筆墨如圓荷我欲為君書道德但願此石不用驚巧偷豪奪古來有問君此意當如何

松靈亦天真人

題舜舉摹伯時二馬圖

二龍何時飛上天空有駿影人間傳一匹鳳頭來于闐一匹賜名花滿川李侯作畫述者錢想見溫公當國年太平時節巡遊少立仗歸來飽春草老向天閑無戰功馬自不逢人睥

兔

少年馳逐燕齊郊身騎駿馬如騰蛟耳後生風鼻出火大

呼討來飛鳴解如今老大百憂集拄杖徐行防喘急卷中  
見畫眼為明驥聞秋風雙耳立謝國朝也  
醉音習臨前

贈相師王蒙泉

王君善相多奇中說好諄奇無刺風已將幻化等虛空問  
壽幾何持底用遭時乏寸偶致位處非其宜常自訟詞林  
每媿文字拙玉帶却憐腰解重身歸閭里困衰疾心戀  
關庭形夜夢端如老驥欲倒駮骨雖存難受鞚清溪如  
王逸屋廬箇箇漁舟時看弄且將閑散樂餘生豈望殘年  
給殘俸

松雪齋文集卷第三

